

欽定剿平三省邪匪方略

欽定剿平三省邪匪方略續編卷二十五

甲子年

三月初三日

子辰

德榜奏賽冲阿奏言

臣

等據哨

探稟報賊匪由金雞河老林東竄埡河腦

臣等

刻卽移師取道旱田壩東進二月二十日行抵

明洞子接准楊遇春等來信賊匪於十六日由

萬元寨又折向洳水河楊遇春帶領兵勇由八

仙河進至河腦卽遇賊匪兵勇直前力剿立殺

賊匪四名該逆遂退踞垵口巖上堆放礮石兵
勇仰攻兩次帶傷者甚多相持至晚該逆向大
梁老林而逃楊遇春等卽於吳橋溝之頭道橋
拏營扼截一更後該逆又來搶撲守備王英之
卡王英等鎗箭齊發繼以飛石擲打至三更後
詎該逆等分爲數路一齊搶撲向竹橋河平溪
河東奔楊遇春等隨於十七日取道繖子坪抄

赴鎮坪迎截臣等商酌該逆旣向平溪河東竄

非圖入楚卽希渡江楊遇春喜明王兆夢等旣

由繳子坪抄截已在時之東北田朝貴劉瑞復

帶兵緊躡尾追臣等於二十一日趕至松樹廟

又接楊遇春等來信途次化龍山會合劉瑞馬

元馬應國桂涵羅思舉等以該逆不走化龍山

必由大小樹河向鎮坪東奔當卽齊集兵勇一

同前往詎該逆先於十九日薄暮翻越楚境之
黑山老林一帶奔逃喜明閻俊烈李朝顯李廷
珍璩嘉驥楊得勝等帶兵由牯牛渡向滙灣截
剿楊遇春王兆夢緊躡賊蹤劉瑞馬元馬應國
桂涵哈豐阿羅思舉等由西界嶺洞賓口白東
南前進又據探報該逆由下三壩轉回陝楚界
上之王家扒有向西北之勢但該逆久欲渡江

斷不南走則洵陽北河之江岸刻下春水未發

淺灘甚多實爲第一緊要

臣

德楞泰前已屢札

沿江文武預爲提防現又據總兵楊芳稟稱聞

賊夥北竄金雞河一帶恐江岸下游水淺灘多

已帶兵二千餘名向安康東來探截

臣

等飛飭

該鎮令其帶兵直趨洵陽白河一帶緊顧江岸

隨時探明迎剿並飭興安府龍萬育等將沿江

各屬大小船隻盡撤北岸齊集鄉團一體嚴密
防範毋以賊蹤尙遠稍生疎忽查川陝楚三省
中只有此起夥匪係大小四股合聚並沿途裹
脅百姓現在實有三百四五十名臣德楞泰惟
有鼓勵兵勇與臣賽冲阿分投趕剿務期迅速
掃除川陝境內現雖無賊然邊界不可無兵彈
壓擬令喜明王兆夢等帶原兵二千名在大莊

溪八仙河等處搜捕令烈瑞等帶原兵一千餘
名仍回漳河坪滄水河斑鳩關一帶令田朝貴
桂涵羅思舉等帶兵勇二千餘名仍回川境大
寧太平一帶同豐紳在於邊界巡邏設此股賊

匪折竄均可隨時探明迎剿

臣

德楞泰馬瑜督

同和隆武馬元馬應國哈豐阿劉廷斌等帶領
兵勇二千餘名作爲一路

臣

賽冲阿楊遇春督

同額爾奇閭俊烈吳廷剛祝廷彪劉元明等帶
領兵勇四千餘名作爲一路分投進剿窮其所
向查三省犬牙相錯多以山梁爲界而賊蹤飄
忽朝秦暮楚原無一定現在兵力厚集該逆既
已過楚雖有山箴較之陝境地勢稍平定能一
鼓殲除奏入

上命軍機大臣傳諭德楞額奏賽冲阿曰此股零匪經

德楞泰剿辦數月總未得手任令往來奔竄今又竄至湖北地方竟係縱賊所之毫無攔阻伊前此奏摺內曾言所剿之賊不過二百餘名皆係陳賊及叛去鄉勇並無裹脅朕卽覺其言不實今每次奏到之摺賊數屢有增添而官兵所殺之賊不過三五名十餘名爲數甚少本日摺內復稱賊匪實有三百四五十名并稱此起夥匪沿途皆有裹脅

可見賊匪肆意奔竄竟至日聚日多而官軍之所
謂追逼圍剿者全係空言所辦何事賽冲阿甫經
到彼咎尚可寬德楞泰著嚴行申飭若再不奮勉
前功可惜毋謂教之不預也凜之又此次賊匪竄
楚係衝破王英之卡而過王英係專駐守卡之員
平時漫無準備當賊匪搶撲時鎗箭無多至甲飛
石擲打賊匪因得分爲數路衝撲直前其守禦不

嚴情罪實無可追德楞泰不卽將該員叅辦非徇庇而何王英著卽革職姑令作爲兵丁効力贖罪至賊匪翻越楚界之後現在奔竄何處著責成德楞泰等探明賊匪竄往何處卽帶兵追往何處無論陝楚皆須迅速跟追以期趕緊殲擒勿留餘孽伊等摺內旣稱該處較陝省地勢稍平且現在共帶兵六千餘名前往追剿務當就地剿辦勿再任

令折竄

上又命軍機大臣傳諭額勒登保曰前因德楞泰等奏苟朝九等零匪由漆扒林北走兩扇門又於波羅河與閭俊烈所剿零匪合夥業經諭令額勒登保會同德楞泰賽冲阿上緊剿辦本日又據德楞泰奏到該匪於二月十六日晚搶撲守備王英營卡齊向竹橋河平溪河東竄十九日翻越楚界之

黑山老林一帶奔逃又由下三岔轉回陝楚界上
之王家扒有向西北之勢現經德楞泰等飭令鎮
將分路堵剿並稱現在夥匪實在共有三百四五
十人此起零匪輾轉竄逸德楞泰等總未能痛加
殲戮而沿途裹脅人數轉增額勒登保現在將次
抵陝著將德楞泰等奏摺抄寄閱看額勒登保當
詳細籌酌應由何路前往會同督剿或須添派將

升官兵之處卽一面具奏一面辦理以期迅速肅事

初四日

癸巳

吳熊光奏言據竹谿縣知縣徐如瀨

稟報探得賊匪合夥後繞路折竄狡悍異常向

東狂奔由平利之鎮坪闌入竹谿界嶺老林現

向豐溪石板河一帶邊界逃竄並據探報提督

楊遇春總兵劉瑞等已緊躡賊蹤追至豐溪地

方楚省副將呢瑪善都司麻光裕亦各帶領兵

勇分路截剿

臣

查該匪前在川陝地方往來奔

竄已經半載總因倚恃老林爲趨避之地以致

官兵久未得手茲所歷之石板河一帶山勢稍

敞正可施展兵力且呢瑪善現帶之兵曾隨額

勒登保有年屢經行陣卽麻光裕所帶之勇亦

係額勒登保在黃栢山剿賊時糾集今添此兩

枝生力兵勇趁該匪竄出平壩之時幫同楊遇

春等三路截剿可期得力兼之賊已合併兵力
不至爲所牽掣或可聚而殲洗

臣

已飛飭呢瑪

善麻光裕相機夾擊以爲一鼓殄除之計仍令
緊顧東北二面毋使深入楚境一面飭令竹谿
縣分投運供糧米源源接濟以利兵行至賊竄
之界嶺係在慶溥所管段內並有都司麻光裕
派在附近之上天梯協防賊匪如何竄入該鎮

將有無疎玩之處容俟查明實在情形另行具奏奏入

上命軍機大臣傳諭吳熊光曰此次賊匪所竄之石板河一帶山勢稍敞楊遇春等緊躡追剿亦當接踵而至又有楚省兵勇迎頭夾擊則數省兵力會齊正可趁此地勢施展聚而殲除吳熊光惟當會同提督慶成督飭鎮將等上緊截剿並懸立賞格

無論弁兵鄉勇等能將苟朝九擒獲者賞銀一千兩仍分別賞擢官職俾共知激勵至賊匪竄入之界嶺係在慶溥所管段內並有都司麻光裕派在附近之上天梯防堵何得任賊竄過著吳熊光查明如賊匪竄入地方距該鎮將等營卡較遠或實有鞭長莫及之勢則其咎尙屬可原若果有疎縱情事卽當據實叅奏仍一面嚴飭該鎮將果能奮

勇殺賊就地辦淨尙可將功抵過否則務將賊匪
逼剿出境若該匪業已折回亦當加以防堵勿致
餘匪再行闖入爲要

初八日

丁酉

吳熊光奏言據麻光裕差人來房稟

稱於追賊途次謁見提臣楊遇春詢以該都司
所帶練勇太單未便冒昧前進且迤東山勢稍
平兵力易展令其隨同相機剿捕不必先往東

路

臣

以楊遇春久歷戎行熟諳樛宜卽飭該都

司一切聽其調度不得拘泥專顧楚省楊遇春

已帶兵行抵豐溪正可截其南竄老林之路

臣

又飛飭楚省鎮將暫行放開東路一面引誘該

匪落入平坡地方再行幫同楊遇春等併力壓

剿詎該匪知楊遇春帶兵追至豐溪不向東竄

轉往西路由唐家坪劉家坪一帶遁去有折向

陝省之勢再據探稱川陝兩路官兵實係楊遇春與鎮臣田朝貴帶領入楚賊匪實有四百九十餘人該寨民內有籍隸襄陽者認識賊中執旂指揮之人係從前賊首馬二卽業經殲斃襄陽首逆馬五之兄詢之逃出難民亦稱賊內係馬姓爲首乃該匪等沿途揚言伊等俱係原跟楊遇春鄉勇充當新兵出力有年因額勒登保

遣撤不公無奈爲匪意欲投出怕照逃兵正法等語是該匪等不但離間鄉勇更欲煽惑兵心且敢佈散流言計圖傾陷額勒登保與楊遇春二人卽前此所傳苟朝九爲首之言亦難深信臣已密飭各鎮將務須鎮靜剿辦毋爲謠言所惑臣體察情形似該匪等尚畏憚額勒登保與楊遇春兩人因而造言搖動今額勒登保已奉

目前來陝楚查閱營伍仰見

睿謨默運燭照機先實深欽服惟是此股賊匪兇悍

異常迥非前此零匪可比若再任其折入老林

遷延時日不特兵力愈疲兼之轉瞬麥熟大雨

時行剿辦益形棘手

臣

思楚省官兵上年德楞

泰等

奏請設防原爲彼時川楚零匪未淨便於搜捕今

楚境已經肅清以成萬之兵止圖保護一隅而
川陝一日軍務未竣楚境邊防亦一日不能撤
移似又當從長計議將賊逼至平坡處所合三
省兵力四路圍圍庶可得力查楚省副將呢瑪
善所帶之兵曾隨楊遇春剿賊素服其指使卽
總兵慶溥李天林等所統防邊官兵及都司麻
光裕現帶鄉勇均應聽德楞泰調派臣就近先

行札商楊遇春察看賊情密爲布置昨提臣慶

成來房臣與之面商亦以爲祇可如此辦理臣

現復專差探聽德楞泰行抵何處再與客商總
期於軍務有裨斷不敢在楚言楚稍任延逾奏
入

上命軍機大臣傳諭吳熊光曰前據德楞泰奏稱賊
匪由下三壩轉回陝楚交界之王家扒欲向西北

奔竄與吳熊光所奏相同該匪等竄逸邊界總以老林爲窟穴負嵎趨避牽綴官兵今雖折竄陝境而楚省沿邊一帶仍當嚴密堵防該督所稱將賊逼至平坡合三省兵力四路圍圍固爲併力剿辦起見但楚省沿邊在在緊要該督惟當飭知帶兵鎮將等加意防範如果該匪等實因被剿情急逼竄楚界再行就近迎剿以收夾擊之效此時不必

卽將防邊官兵歸德樛泰調派以致楚境轉覺空
虛也至所稱差弁探知寨民內有認識賊中執旂
指揮之人係從前賊首馬二卽馬五之兄且揚言
伊等俱係鄉勇無奈爲匪等語此起餘匪自係賊
中遺孽復行糾聚卽苟朝九一犯未必不在此內
况馬二僅止執旂指揮亦未必遽係賊首此時總
無論其曾否充當鄉勇亦無論賊首之爲馬二與

苟朝九惟當悉數殲除絕其根株

初九日

戊戌

方維甸奏言據興安府知府龍萬育

等探稟賊匪由兩扇門北竄陝界德楞泰等派

令楊遇春等趕緊繞截又遇閻俊烈所追一起

零匪竄來兩路兵勇與賊匪打仗互相殺傷兩

起賊匪亦卽合爲一夥連夜東趨竄入湖北竹

谿境內旋又折向西北距陝楚交界不遠德楞

秦與賽冲阿俱各前往追截查賊匪湊合數小
股人數增多然別無他起率級官兵亦可合剿
惟賊匪東入楚境又復折而西北恐係誘兵東
向乘間徑趨江岸且接據總兵楊芳來信在紫
陽縣上渡地方盤獲奸細馮世滔一名訊係賊
目唐姓自川省地方遣來探聽江岸之人可見
賊匪往來川陝總有仍竄南山之意臣已分致

總兵楊芳達自祥於南北兩岸探蹤嚴防並飭
興安府知府龍萬育分派委員提船認真防堵
茲據署陽縣知縣劉大祺署遊擊守備吳連會
同拏獲賊匪一名又署留壩廳同知劉經拏獲
賊匪一名又漢鳳營遊擊何占鰲拏獲匪徒二
名又據陝安道德明額漢中協副將唐文淑稟
報派員弁兵役等搜至沔縣屬五十三壩地方

見有匪徒潛匿鎗斃一名餘俱向老林奔散
現飭令該處文武踴躍嚴拏又據候補知府商
州知州陳祁稟報拏獲搶掠匪徒伍老三陳世
順魏老么伍建英四名內伍老三一名係伍金
柱胞弟又拏獲苟文明堂叔苟之詩一名曾充
偽總兵改名元銘逃匿被獲此外各路委員據
縣丞伍國瑞盤獲賊匪黃伏一名訊係戕害遊

擊朱集才逆犯又據縣丞顧先杰拏獲搶掠逸
犯三名現均提省審辦再據陳祁查出曾被賊
裹現無生計民人二十二名又署鄆縣知縣高
甲查出曾被賊裹及會充鄉勇現無生計民人
五十名內有籍可歸者均經捐給口糧路費移
送回籍其無家可歸者分別派充壯丁及縣署
夫役俾遊民口食有資不致流而爲匪再陝省

征防兵勇未撤兵米一項截至二月初間糧已
支完亟須採買而本省糧價昂貴臣查嘉慶六
年經前撫臣陸有仁

奏准令晉省協濟陝省軍米八萬石現聞該省儲
積充盈合無仰懇

聖恩俯准於晉省撥糧三萬石由水道運來協濟陝
省要需俾得供支無誤奏入

上命軍機大臣傳諭方維甸曰賊匪屢在邊界奔逸
往來自必思竄入南山老林遂其負隅延喘之計
且據盤獲奸細供稱有賊目遣來探聽江岸之語
現據該撫札致楊芳等於南北兩岸探蹤嚴防並
飭興安府分派委員提船防堵此時漢江江岸最
關緊要該撫當飭知該地方官弁等認真經理實
力嚴防不可徒托空言如果能出力防範使餘匪

一名不能偷渡該撫卽當據實保奏朕必加以恩
施設稍有疎防以致賊匪乘間渡江必將該地方
官弁重治其罪又據稱各路委員拏獲匪徒並查
出流落無業之人分別安插一節此等無業可歸
之遊民或曾被賊裹或曾充鄉勇若非妥爲安插
勢必流而爲匪自應設法分別安置此次各州縣
及委員內有實在認真搜緝拏獲匪徒多名及安

揔難民妥協得所者並著查明保奏再據奏酌等
買撥糧石一摺已降旨諭知伯麟如能多爲協濟
固屬甚善否亦必須照三萬石之數撥運接濟該
撫於收到後卽飭令源源運供勿悞兵食

上又命軍機大臣傳諭山西巡撫伯麟曰據方維甸
奏請於晉省撥糧三萬石協濟兵米著伯麟卽查
明該省近陝各州縣內將存貯倉糧由渭河汾河

水道運往以資接濟如能較三萬石之數增多固
妙否則亦須如數運往俾得源源供支不可遲緩

十三日

壬寅

德楞泰賽冲阿奏言查賊匪於二月

十九日翻黑山老林竄入楚界由竹谿之豐溪

向朝陽坪東奔二十日楊遇春等趕至豐溪知

賊已走下三壩翻紅銅山卽取捷徑抄出漁溪

河兜截田朝貴桂涵羅思聚哈豐阿等由洞賓

口一帶進發時總兵慶河帶兵由招峯巖至豐
溪與田朝貴等會合尾追探得該逆至石板河
被竹谿縣屬猴子寨團勇堵截又走九枝溝楊
遇春等遂由王家山羅漢洞廣龍灘包住東面
兜剿劉瑞馬元馬應國等由西界嶺五里坡向
中坪前進喜明王兆夢等由竹葉關馮家營向
牯牛渡扼剿副將呢瑪善等帶兵由甘坪羅裙

勦西來該逆在雞公梁知東南北三面均有宜
兵遂又翻朝陽坡遁入王家扒老林該處係陝
楚兩界之間而九尺溝杏耳坪等處仍可折入
楚境當令呢瑪善等卽在本境堵禦

臣

德楞泰

賽冲阿馬瑜卽督率將弁兵勇翻千山埡向南
兜擊一面知會楊遇春並劉瑞田朝貴等在於
東北山之劉家坪唐家坪石板河各處分投進

剿臣等馳抵白土嶺探得該逆被圍於景風寨

前之漆扒老林臣賽冲阿卽督率喜明等帶領

兵勇與楊遇春併力協剿二十八日賽冲阿楊

遇春等由東面板機溝進至磨子坪田朝賢慶

溥等由重陽坡進至桃花山劉瑞馬元等進至

光頭山臣德楞泰馬瑜由竹節溪進至麥草壩

各路官兵均距賊巢不過二三十里是晚雨霧

迷漫臣德楞泰賽冲阿彼此知會各路連夜並

進直搗賊巢三更時正在發兵據報該逆知覺

已向楊柳溪西南狂逃二十九日臣德楞泰同

馬瑜等卽帶領兵勇由白土嶺順河前進臣賽

冲阿同楊遇春等帶領兵勇由天雄寨木城寨

大梁趕追黎明至楊柳溪該逆一見官兵卽不

由路徑漫山鑽林亂竄當令步隊兵勇竭力追

剿直至文彩溝沿途共斃賊十二名擒獲三名
餘匪竄往石渣河又被前敵之桂涵閻俊烈吳
廷剛羅思舉祝廷彪李朝顯等趕殺斃賊八名
生擒四名直追至亢喜坡時已薄暮是夜探得
該逆屯於魚碭子距營三十餘里臣等於三更
時復行督兵前進趕抵魚碭子時已黎明該逆
等業已起竄臣等緊蹙至日晒溪楊道士溝沿

途又殺賊十名^臣等當將出力之兵勇等倍加

給賞訊明獲犯均係陳賊當卽一併正法又馬

瑜先於途次見逃出難民二名細加盤詰語言

支離隨嚴加訊究始據供稱係僞元帥苟姓令

其扮作難民要到江邊打聽官兵信息訊明立

卽正法又據總兵楊芳稟報盤獲賊犯一名供

稱前來探明江岸情形該鎮已知會興安府知

府龍萬育多派幹役嚴拏將該犯於訊明後正
法查賊匪屢探江岸情形是其居心叵測總欲
渡江北逃查西鄉紫陽安康白河洵陽等處現
有達自祥楊芳王兆夢三鎮之兵共五千五百
餘名分投巡邏足敷攔剿臣惟有殫竭血誠鼓
勵將弁兵勇迅速追剿期於限內全行辦淨

同日吳熊光奏言賊匪前由劉家坪折回德楞

泰駐劄曾家壩正所以遏其西竄之路乃據竹
谿縣稟報該匪於二十五日夜由平利屬之湖
溪竄赴牯牛渡八寶溪一帶是賊匪又避過德
楞泰營盤直入陝境並據探報該匪於湖溪附
近攻破清風寨掠取糧食後復屯聚漆扒老林
負嵎抗拒官兵進攻總未得手其狡譎情形可
惡已極現在賊蹤離楚不遠除飭各鎮將仍於

邊界帶兵扼截聽候德楞泰就近調度外伏思
此股賊匪連裹脅雖幾及五百名其中真正矛
手不滿三百乃在川陝老林輾轉奔逃已逾半
載昨竄近陝境合三省兵力共有一萬數千名
不爲不厚又未得痛剿一次揆厥由來兵數雖
多精銳者少似此日復一日徒糜鹽糧伊於何
底且賊匪一日不淨則三省數萬兵勇皆難凱

撤所謂力分於備多財匱於兵冗若不亟籌變
通之法經費何以爲繼因思用兵之道在精而
不在多當此剿辦喫緊之際若非破格懸賞無
以作士氣而勵戎行臣已通飭各鎮將兵丁等
自告奮勇先挑出三三千名於邊界預備一俟
賊蹤竄近卽幫同實力迎擊除殲擒首逆苟朝
九等遵

旨獎賞外有拏獲真正矛手一名者賞銀五十兩臨
陣殲斃者每名賞銀四十兩計賊中現有矛手
不滿三百共需賞銀亦不過一萬四五千兩查
上年司道等公捐賞項尙未用完設或不敷
當捐廉給與其挑下兵勇俟察看川陝情形再
陸續減撤亦可節省糧餉均奏入

上命軍機大臣傳諭額勒登保德楞泰賽冲阿曰德

楞泰等奏官兵兜截賊匪回陝現向西南奔走此
夥匪徒先經東竄楚境被三路官兵堵截遂又翻
山遁入王家扒老林德楞泰等分投進剿正在發
兵並進該匪已向楊柳溪西南狂逃各路官兵沿
途擒斬三十餘名仍未得痛加剿殺實屬可惡可
恨現在邊界祇此一夥餘匪自知罪在不赦鋌而
走險狡惡已極必當按名擒獲悉數掃除德楞泰

等帶領多兵果能奮力窮追亦非不能趕及痛殲
此時惟當鼓勵士氣諭以爾等從征日久備受辛
勞自莫不亟思戡事唱凱還鄉但此起零匪二三
百人一日不能殲淨爾等卽一日不能歸家務當
同心鼓勇竭力兜圍以期早日辦完成功振旅共
受重賞再朕聞此股賊匪中有馬二一犯卽係荷
朝九心腹伊等從前懸賞緝拏卽有此人如能擒

斬此兩首逆者無論兵勇人等賞給銀一千兩並
賞以官職其現任官弁有能擒斬者予以超擢此
外如尙有積年賊目矛手等現在賊中者並著酌
定賞格有能擒斬者分別賞給一二百兩至數十
兩以示獎勵若再遲延則大小將弁俱不能免罪
所有兵勇俱不能邀恩勉之慎之

上又命軍機大臣傳諭吳熊光曰賊匪由平利屬之

湖溪竄赴牯牛渡一帶老林屯聚其情形甚爲狡
謫吳熊光已挑得備剿兵丁二三千名懸立賞格
以期人人踴躍所辦好當此辦賊喫緊之際必需
破格懸賞方足以作士氣前曾降旨令吳熊光懸
立重賞將擒獲首逆之人加以獎擢今吳熊光仿
照此意將殲獲子手之人一體分別賞賚與朕意
正合至現在賊匪已折回陝省去楚漸遠楚省官

兵轉無庸越境窮追惟當以防堵爲重著吳熊光
飭令各鎮將等布置嚴密一俟賊蹤竄近卽幫同
實力迎擊如有擒獲要犯者卽照依賞格以示獎
勵其餘兵勇此時亦無庸遽行裁撤此等兵勇精
銳者少雖難望其剿賊出力然亦足以資汛守而
壯聲援卽如近日賊匪竄至楚省邊界旋又折回
未必不因楚省兵多聞而却走若紛紛裁撤未免

邊界空虛當仍令該兵勇等照舊留防惟飭將備等加以督率俾知奮勉俟探聞陝省零匪剿除淨盡之後再以次酌撤可也

十四日癸卯德楞泰賽冲阿奏言臣等於初一日

據報該逆向西南之馬溪客僧河一帶潛逃臣

德楞泰查詢土人該處疊連山堽五層左邊懸崖右邊密箐中有包穀地數段地勢稍寬當即

連夜進剿臣賽冲阿楊遇春督率喜明劉瑞額

爾奇吳廷剛桂涵閻俊烈祝廷彪羅思舉李朝

顯劉元明李廷珍等帶領兵勇由太平灣馬鞍

山前進臣德楞泰馬瑜督率和隆武馬元馬應

國郭文魁劉彪劉廷斌張紹緒馬鳴玉賀廷印

李國棟等帶領兵勇由腰磨廠蝦蟆石前進黎

明齊抵山下該逆知官兵趕追在於陡岩尖青

龍尖一帶老林設有埋伏五等遂將兵勇分爲

四路直進旁抄左右策應楊遇春一路兵勇馳

過半山陡巖卽有賊匪六七十人由頂上突出

憑高推滾擣石施放鳥鎗楊遇春親率吳廷剛

等奮勇仰攻冒石直上鎗箭如雨殺斃賊匪數

名該逆等瞥見楊遇春竟敢齊聲吶喊稱欲指

名活拏盡力下壓楊遇春率吳廷剛等力敵適

臣

賽冲阿帶兵趕到接續加攻索倫甲兵童石
保墨爾根保西安前鋒海祿將首先衝壓之賊
一連箭斃五名賊衆愍不畏死仍衝撲前來童
石保等各帶矛傷不重滿漢員弁兵勇無不痛
恨切齒四面競進亦有受傷者當殺賊匪十餘
名賊不能支我兵乘勢搶上山尖生擒偽總兵
賈燦華並夥匪二十餘名維時

臣

德楞泰馬瑤

兩路先後趕到卽催集兵勇分投並進詎該逆
見官兵齊進三處埋伏之賊盡皆撲出拚死壓
下將弁兵勇對敵往來七次又殺賊十餘名生
擒戰手十餘名帶傷者不少

臣

德楞泰賽冲阿

楊遇春馬瑜復加激勵將弁兵勇奮不顧身直

前衝殺鎗擊箭射刀砍矛戳賊始敗上興隆坡

尙依險拒敵

臣

德楞泰賽冲阿楊遇春馬瑜又

復分路親率兵將上搶該逆等捨死下壓我兵
與賊鏖戰一時之久當斃大掌櫃苟文華僞元
帥王振僞總兵謝尙玉僞總管王安書譚貴等
五名並賊匪二十餘名生擒旗手張清及戰手
阮紹柯等四十三名賊衆敗逃向南磨子崖老
林南竄又被兵勇窮追沿途丟棄米糧鍋碗計
此次各路繳來首級耳記共六十七副共擒活

賊八十三名搶獲烏鎗八桿長矛一百四十七
桿各色大小旗二十一面臣等除將出力之將
弁兵勇存記外卽將前次蒙

恩頒賞之大小銀牌分給擒殺賊匪之官兵鄉勇並
受傷者臣等復又加賞銀兩以示鼓勵隨將偽

總兵賈燦華旂手張清等八名戮割處死其餘
匪呂文富等五十一名一概正法訊明被擄背

糧之難民當卽交平利縣知縣石珩領回釋放
其苟朝九一犯嚴訊賊供並無下落查該逆自
出山以來輾轉奔竄於川陝邊界之中逞其詭
譎恃其險阻雖叠經官兵剿殺擒斬無幾以致
愈肆猖狂窮兇極惡此次仰仗

天威併力剿殺擒斬多人使賊衆膽落魂驚從此兵
威加振定可如期蕝事查該逆等現在尙有二

百多人又遁入老山內之天工堰屯聚查天工
堰老林東北係通化龍山老鴉絆西南通八仙
河繖子坪隨令總兵田朝貴劉瑞等帶兵勇三
千名由老鴉絆進剿以爲牽綴賊勢

臣

德楞泰

賽冲阿楊遇春馬瑜督率將備兵勇緊躡賊蹤
或分或合臨時相機辦理再得兩仗即可淨盡
再此次陣亡額外外委李長青一員兵勇十餘

名受傷滿漢員弁兵勇九十餘名容俟咨部辦理奏入

上命軍機大臣傳諭額勒登保德楞泰賽冲阿曰本日據德楞泰賽冲阿馳奏官兵痛剿夥匪大獲勝仗殲斃賊目苟文華等並擒斬夥匪多名一摺覽奏欣慰之至此夥餘匪向馬溪客僧河一帶埋伏德楞泰等督率兵勇四路分進該匪等憑高抗拒

楊遇春親率吳廷剛等帶領兵勇奮力仰攻昌石
直上殺賊多名該逆猶肆其狂吠盡力下壓適賽
冲阿趕至繼進索倫甲兵童石保墨爾根保西安
前鋒海祿將首先衝壓之賊斃斃五名官兵乘勢
搶上山尖生擒二十餘賊德初泰馬瑜先後趕到
會同賽冲阿楊遇春親率兵將與賊鏖戰當將大
掌櫃苟文華僞元帥王振等五名及夥匪二十餘

名一併殲斃又各路割獲首級耳記六十七副生擒旂手等八十餘名實屬奮勇可嘉德楞泰著賞給白玉翎管四喜搬指白玉鼻煙壺鑲嵌寶石帶頭各一個黃辦大荷包一對小荷包四個賽冲阿著賞給白玉翎管四喜搬指瑪瑙鼻煙壺各一個黃辦大荷包一對小荷包二個楊遇春著賞還花翎仍賞給白玉翎管四喜搬指各一個黃辦大荷

包一對小荷包二個馬瑜著賞給白玉翎管四喜
搬指各一個花大荷包一對小荷包二個吳廷剛
著賞還頂戴翎枝仍賞給白玉四喜搬指一個花
大荷包一對小荷包二個又發去琺瑯翎管十個
磁搬指搬指套各五個著德楞泰等查明分賞此
次出力員弁又發去一兩重銀牌二百面著分賞
此次受傷出力兵勇以示獎勵其中兵童石保墨

爾根保前鋒海祿三人著德楞泰等保奏候朕加
恩此外員弁兵丁如尙有實在出力者並著一併
查明保奏至苟朝九一犯久稽顯戮必當查訪務
獲賊供不知下落自不足信總之此起餘匪狡惡
異常膽敢於抗拒官兵時齊聲吶喊指名活拏帶
兵提督可恨已極總當悉數殲除德楞泰賽冲阿
惟應督飭鎮將鼓勵士心務將此二百餘人概行

剿淨不留一孽則苟朝九自不能倖免無難指認
而知倘辦完此起匪徒而苟朝九余佐斌二犯仍
無下落再當留心緝訪勿任漏網所有此次陣亡
之額外外委李長青著咨部照把總例賜卹其餘
陣亡兵勇十餘名均著查明咨部賜卹

十八日丁未額勒登保奏言臣於二月二十四日

陛辭出京兼程行走途次據報零匪於初二日在青

龍尖一帶老林屯聚經德楞泰賽冲阿楊遇春
馬瑜分兵進剿楊遇春督率吳廷剛等帶兵直
上仰攻賽冲阿帶領馬隊官兵趕到兩面夾擊
斃賊甚多該匪並敢分路埋伏又經德楞泰馬
瑜合力剿殺官兵人人奮勇計殲擒賊匪一百
數十名所餘殘匪不過三百餘人賊鋒已挫德
楞泰賽冲阿楊遇春馬瑜已乘勝緊追

臣額勒

登保復又飛札切致德楞泰等勿予以暇

臣額

勒登保現將鍋帳馬匹趕緊配齊並帶西安駐防滿兵四十名軍標撫標兵三百名卽日由大

峪取道鎮安前赴興安一帶軍營會商辦理再

總兵楊芳前因剿辦遲延經

臣 叅奏奉

旨革去翎頂在案茲楊芳在南山督率弁兵會同各委員實力搜剿山內已就寧謐現於江岸巡防

亦極出力可否仰懇

聖恩賞還原戴翎頂俾知感奮

同日方維甸奏言竊照提督楊遇春總兵劉瑞
田朝貴等帶兵趕至土楚境賊匪折回東竄至日
晒溪林內官兵追至土賊復竄逸途中畧有斬獲
現在已竄至平溪河其地雖通界嶺亦可由八
仙河北趨磚坪德地等處泰甯冲阿由柳溪一帶探

蹤截擊劉瑞田朝臣閻俊烈等挑帶兵勇分路
剿辦並恐賊匪窺伺漢江所有興安以東洵陽
白河一帶經德楞額派令總兵王兆夢帶兵巡
防興安以西紫陽西鄉一帶令總兵達自祥帶
兵防守其總兵楊芳所帶官兵卽在安康一帶
往來防堵並於淺灘處所密布竹籤茨捆暗防
偷渡現在雨澤以缺春水未生節經嚴飭地方

官提船設卡今又有總兵三員帶兵五千五百
餘名梭織巡查往來策應布置尙爲嚴密至黑
河一帶匪犯嚴飭分段搜緝茲據鳳縣知縣阿
齡阿稟報會同縣丞黃天祿驛丞陳玉章外委
樊琨在岩灣坡地方拏獲匪犯八名並搜獲隨
帶鐵繩鐵尺等件器械該員弁等復在廟洞溝
地方拏獲掠食零匪四名又據畧陽縣知縣劉

大祺稟報把總吳可義拏獲一名又沔縣寨勇
拏獲一名臣於節次獲犯解到後均親提研鞫

內李貴成一犯係同齊王氏起事又與朱應伏
竄過漢江又馮思鳳卽馮馬虎一犯係與羅其
清一同起事又同苟文明到處焚掠其餘各犯
均係張漢潮張世隲羅半年各股內合夥之賊

當卽恭請

王命分別凌遲斬決臣仍嚴札棧西委員地方官及

南山各員再爲上緊搜拏務期剋盡根株以清

山境又查現任商州知州陳祁從前在商州帶

勇剿賊久著勤勞前經額勒登保等以辦理軍

務出力節次保奏奉

旨以知府陞用

賞戴花翎因陝省並無應題知府缺出至今尙未補

缺上年臣派令入山搜捕近據該員晒蹤購線
各處拏獲緊要賊犯二十餘名將在逃首逆李
貴成捕獲緝捕認真自應遵

旨保奏可否俟陝省知府缺出准其奏補又漢陰通
判雒昂上年因賊匪闖入峪口扶同粉飾經臣

叅奏革去翎頂茲據該員節次稟報拏獲賊匪

九名洵屬奮勉此外各路委員內臣擇其緝獲

要犯勞績顯著者數員另開清單恭呈

御覽可否量予分別鼓勵出自

聖主天恩均奏入

上命軍機大臣傳諭額勒登保曰額勒登保等奏行
抵西安探明官兵剿賊情形前日已據德楞額奏奏
到此時額勒登保酌帶官兵由大峪取道前往計
不日可抵軍營如德楞額等乘勝督剿已將此起

零匪撲捕淨盡固屬甚善設尚有一二零匪額勒
登保到後務須會同督飭鎮將上緊搜捕尅日掃
除至事竣之後應先將鄉勇裁撤額勒登保當駐
彼督率經理妥爲散遣後再將官兵以次撤回歸
伍額勒登保不必俟官兵全行撤竣屆時察探陝
楚行伍如可查閱卽順道前往否則奏明回京俱
無不可

上又命軍機大臣傳諭方維甸曰苟朝九一股零匪
昨據德楞泰等奏官兵已得勝仗惟江漢南岸巡
防最關緊要現有總兵王兆夢等三人帶兵巡邏
方維甸尤當督飭地方官協同防守勿稍懈弛至
黑河一帶據拏獲匪犯十四名現在提省審辦陝
省地方官緝拏餘匪甚屬認真其審辦各要犯內
如李貴成一犯尙係同齊王氏起事之人其馮思

鳳一犯係與羅其清同時起事其餘各犯曾在荷
文明張漢潮張世隴等股內均屬積年陳賊日久
稽誅至此時始行拏獲伏法恐棧西及南山一帶
箐密林深似此未獲之犯尙未淨盡現已將搜捕
出力各員加恩陞賞該撫惟當督率地方委員倍
加鼓勵上緊搜拏務使竄匿匪徒無一名漏網勿
事因循仍應認真搜捕爲要

同日

上諭內閣曰陝西寧陝鎮總兵楊芳前因剿辦南山
零匪遲延革去翎頂茲該員督率弁兵會同委員
實力搜捕山內餘匪已就肅清并在江岸巡防實
心出力楊芳著加恩賞還頂戴花翎以示獎勵

上又諭內閣曰陝省候補知府商州直隸州知州陳
祁節經帶勇剿賊久著勤勞此次方維甸派令入

山搜捕復能跼蹤購線拏獲要犯至二十餘名之多洵屬能事陳祁著賞給道銜該省遇有道員缺出奏明陞補通判雒昂前已加恩以同知直隸州陞用嗣因上年賊匪闖入峪口扶同支飾曾降旨革去翎頂留於該處戴罪自効茲據奏該員節次稟獲賊匪多名尚知奮勉雒昂著賞還頂戴花翎仍以同知直隸州卽用此外各路委員或緝獲要

犯或辦理軍需各能認真出力同知嚴如煜著賞
給知府銜知縣高甲呂朝選縣丞潘彭年等三員
著以應陞之缺陞用知縣蓋方泌著賞戴藍翎投
効通判錢鶴年縣丞馬鈇候補縣丞伍國瑞吏目
范德麟均著以本班先儘補用以示獎勵

二十四日
癸丑 德楞泰賽冲阿奏言 臣等前次督

率官兵在陡岩尖興隆坡等處併力將首逆夥

匪痛剿後嗣探該逆尚有二百五六十人又遁入老山內之天工堰當令總兵田朝貴劉瑞等挑帶兵勇三千名由九臺子直趨老鴉絆自北而南牽綴賊勢又遏其北竄之路至天工堰係在化龍山老林之內萬山重叠路徑崎嶇兵力不能施展若無兵尾躡又恐折竄無蹤是以揀派副將閻俊烈吳廷剛桂涵叅將羅思舉遊擊

李國棟等挑選健捷兵勇三千名各帶乾糧輕

騎跟蹤追剿

臣

賽冲阿楊遇春等督率將弁兵

勇取道藍家山毛坪自北而南抄截

臣

德楞泰

督同馬瑜等由涼風埡磨子岩一帶進發該逆

等被閻俊烈吳廷剛桂涵等兵勇入林尾躡日

則朝東暮西夜則鑽林散藏初五日晚田朝貴

劉瑞等帶領兵勇抵老鴉絆探知賊蹤相距不

過三四十里當即拏營拒截派令都司祝鳳鳴
在岩口拏立小卡一座擬於五更發兵入山迎
剿是夜二更後黑暗之中忽有多人口稱送糧
來營田朝貴劉瑞傳令不許放入該逆等見計
不行復向岩口衝撲小卡祝鳳鳴帶兵在營門
堵禦左脇受矛傷不重生擒賊匪三名經田朝
貴劉瑞鎗礮轟擊該逆遂向盆溪溝而逃初六

日天甫黎明檢查殺斃賊匪五名兵勇帶矛石
傷者數名餘匪由盆溪溝向金盆凹遁去田朝
貴劉瑞卽帶兵勇跟追查金盆凹之北路通會
家壩毛坪已有賽冲阿楊遇春等在彼堵剿北
面可以無虞臣德楞泰隨督同馬瑜趕赴日曬
溪魚砦子緊顧東面抄截並星飛知會臣賽冲
阿等向南迎擊乃該逆探知東北兩面有兵又

復輾轉狂奔十二日間倭烈等尾追至高石塢

曹家溝彼時

臣

德楞泰賽冲阿楊遇春馬瑜兩

路踴探賊蹤亦已趕到三路兵勇卽合力併剿
該逆等瞥見官兵聲勢壯盛不敢戀戰均各鑽
林奔逃立斃賊匪十二名生擒僞先鋒楊春壽
等十一名旋探餘匪踞於油榨坪三岔溪審訊
獲犯均係老賊一概正法十三日又於太平橋

拏獲探信賊匪王佳文等四名訊據供稱被官兵到處截殺不敢出山躲到老山林中擄食包穀並挖取野草充饑實在窮苦現在只有二百三十多人如今衆人商量沒有盤費令我四人出山打聽如有解送餉銀卽約齊來搶等語訊明後亦卽正法臣等查該逆所供勢已窮蹙惟圖搶餉銀一事不可不預爲慎重已飛飭興安

府龍萬育令其凡遇運解餉項飭知護送差員
如臨近賊蹤卽於險要硯寨暫駐徑行稟報

臣

等再爲酌撥官兵接解護送不可稍涉大意查

此時餘匪祇剩二百三十餘人其中尚有帶傷

者形勢實屬衰殘

臣

等現在督率將弁兵勇各

帶乾糧不攜鍋帳分投入山由土地壩青龍寨

太平寨三路兜剿日內如再接一兩仗定可如

期竣事再據楊芳等稟報有土匪二十餘人由
川境竄至陝界安康縣屬之三道河已派遊擊
馬福全帶兵八百名往捕旋據豐紳來信稱只
有十七八人現派遊擊畢萬年帶兵二百名跟
追等語臣飭令趕緊捕淨至額勒登保日內將
抵興安臣已派王兆蓼帶兵一千名就近由興
安探迎如額勒登保進山來管卽可隨時調遣

再據總兵田朝貴稟報都司鄭啟貴赴沿邊巡查卡隘行經化龍山老林突遇賊匪衝出鄭啟貴并兵丁吳文舉龔長發張貴等抵敵不住同時被害臣等查鄭啟貴係四川人出師八次身帶鎗石矛箭傷十八處出力多年曾任副將緣事降爲都司極知愧奮茲因差竣赴營中途被害實爲可惜合無仰懇

天恩給與卹典奏入

上命軍機大臣傳諭德楞泰曰此次苟逆零匪仍在
化龍山竄匿德楞泰等督率官兵分路兜截僅殲
擒數十名尚有賊匪二百三十餘人德楞泰剿捕
此起零匪屢經展限已至三月此時卽交夏令若
再有遲延二麥成熟賊匪得有掠食且雨水漸多
軍行又將有所藉口現據德楞泰分撥兵一千名

交總兵王兆夢迎探昨據額勒登保奏已自陝省
馳赴興安邇日諒已晤面軍營所帶之兵爲數不
少總當實力會辦迅速蒞事不可稽遲至摺內稱
訊據獲賊供稱現在賊匪躲在山內極其窮苦差
人出山探聽解送餉銀商量刦搶等語賊匪旣在
深山藏匿一時難以轟逼出山今思搶刦餉銀莫
若將計就計假裝餉鞘帶兵丁等作爲夫役於近

賊處所誘令賊匪前來刦搶就勢殲擒自必易於
得手所謂兵不厭詐亦剿捕之一法其豐紳等所
剿之零匪十七八人務須飭令卽日辦竣勿任竄
逸再候補都司鄭啟貴曾任副將又經出師八次
身帶鎗箭矛石傷十八處出力多年茲因差竣赴
營行經平利地方突遇賊匪衝出猝被戕害著加
恩照叅將陣亡例賜卹其同時被害之兵丁吳文

畢龔長發張貴等俱著照陣亡例咨部賜卹